



Universitätsbibliothek Paderborn

Centvriæ Selectorvm Casvvm Conscientiae. I. II. III.tia

Burghaber, Adam

Fribvrgi Brisgoiæ, 1665

3. Ammonivs habens prauam consuetudinem falsò iurandi, si hanc retractant, & nihilominus inaduertenter iuret, non peccat.

urn:nbn:de:hbz:466:1-40942

Selectorum Casuum Conscientiae.

13

Resp. Vitalem non obligari ad reparacionem damni. Ita Card. Lugo de Iust. D. 8. n. 92. Less. c. 7. de Iust. n. 32. & alij. Ratio est, quia eadem planè est ratio cum his famulis, quæ est cum Iudice, Advocato, Medico, atque alijs Officialibus, ut testantur cit. AA. At qui isti non tenentur ex culpâ levi, ut habet communis Theolog. & docet Clarus L. 5. pract. criminalis. §. fin. q. 73. n. 3. vbi alios AA. affert. Ergo nec famuli obligantur. *Differencia* inter *Officiales* (quo nomine famulos venire recens diximus) & conductores sumitur ex citatis legibus ciuilibus, quæ de officio & famulatu non idem asserunt, quod de contractu, vt ut alijs spectando ius naturæ eadem videatur utriusque ratio, ut rectè advertunt Lugo loc. cit. & alij.

Atque ex his patet ad rationem in contrarium; nam vniversim negamus, ex quo uis contractu in utilitatem utriusque surgere obligationem damni reparandi ob culpâ etiam leuem iuridicam; cum LL. ciuiles aliter circa contractus officialium, adeoque & famulorū disponant, et si in utriusque utilitatem etiam cedant.

III. Ammonius habens prauā consuetudinē falsò iurandi, s̄epe quidē sic iurat, sed prorsus inadvertenter, & ex subito animi motu atq; ira imperu. Queritur. An committat peccatum in se mortale?

Videtur tale committere. Ita Caietan. Navarr.

Navarr. in sum. cap. 12. n. 6. & alij. Quia inadvertentia illa non excusat Ammonium, cum etiam advertens similiter peieraret.

Resp. I. Si Ammonius vel non habuit prauam consuetudinem falsum iurandi, vel hanc per dolorem retractavit, iuramentum falsum inadvertenter prolatum non fore peccaminosum. Ita ex comuni Suarez Tom. 2. de Rel. L. 3. c. 7. n. 5. cum illud nullo modo sit voluntarium. II. Si vero habeat prauam consuetudinem falso iurandi, & hanc non retractavit, iuramentum factum etiam inadvertenter, & ex subito irae impetu prolatum, esse peccatum mortale, non quidem in se, sed in voluntate, quam habet, non remouendi consuetudinem, Ita Sanch. L. 3. in Decalog. c. 5. a. n. 28. Palao Tr. 14. D. 1. pun. 9. n. 5. & alij. Ratio est, quia iuramentum illud, nec directe & in se est voluntarium, ut patet: nec indirecte, hoc ipso quod non fuerit potestas illud vitandi. Ergo solùm in causâ nō amotâ, prauâ scilicet consuetudine. Hanc consuetudinem si Ammonius sèpius admonitus emendare non laboret, non posse ipsum absoluī, cum plurib. Theolog putat Suarez loc. cit. c. 8. in fin. Sed mitius & rectius sentit Sanchez L. 2. in Decal. c. 32. n. 45. loquens de blasphemâ, quia ob peccata, quæ non pendent ex occasione extrinsecâ, sed intrinsecâ peccatoris fragilitate, non est absolutio vel neganda,

vel

Selectorum Casuum Conscientie.

15

vel differenda, cùm dolendo de peccatis sa-
tis pœnitens se disponat.

Atque ex his patet ad rationem in con-
trarium.

IV. Anastasia durissime tractatur à viro suo,
quæ idcirco sèpe sibi mortem imprecatur. Quæ-
ritur. An peccet?

Videtur mortaliter peccare. Ita Navarr.
in manual. c. 15. n. 15. Tum quia non est Do-
mina vitæ suæ. Tum quia est contra Charita-
tem sibi debitam.

Resp. Anastasiam non peccare. Ita Sancius
in select. D. 2. n. 9. & alij. Quia potest afflictio-
nem hanc prudenter censere maius malum,
quàm ipsam mortem. Imò alios quoquis ex
indignatione & impatientiâ mortem sibi
deliberatè imprecantes non peccare mortali-
ter, existimamus contra Dian. P. 5. Tr. 14. R.
92. & probamus tum exemplo Eliæ 3. Reg.
19. Ionæ cap. 4. &c. tum quia sensus ver-
borum illorum aliis non est, quàm malumus
mori, quàm tales molestias pati.

Ex quo patet, nec dominium Dei in vitam
nostram, nec charitatem nobis meti ipsis debi-
tam violari. Cæterum ex communi Theo-
log. apud Bonac. in Præcep. IV. Decal. D. 5. Q.
vnic. p. 6. num. 1. peccat graviter Maritus
Anastasiæ tam duriter hanc verbis & verberi-
bus tractando, cum vxor non ut serva vilipen-
denda, sed ut socia sit amanda & honoranda

(funt)